



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Epiphania Domini. VII.

urn:nbn:de:hbz:466:1-40244

stis translatis, Innocentum & S. Thomæ, de digniori prius est recitandum Officiū; & Festum S. Thomæ celebrabitur prima die non impedita post Octauā Epiphanię, ex vulgatis Rubricis.

12 Circumcidionis Festum de Christo recens est, vt alibi docuimus Tomo primo. Antiphonæ probant esse de B. Virgine Festum, *O admirabile commercium*; quas commemorat Amalar. lib. 4. cap. 32. Oratio confirmat, *Deus qui salutis eterna: de qua Microlo. loco citato*. Officium enim Missæ licet habeatur in Antiphonario Gregorij, est tamen posterius S. Gregorio, vt ibidem Pamelius probat. In secundis Vesperis non fit commemoratio de diebus infra Octauas SS. Ioannis & Innocentum, quia de his non fit Officium die sequenti, vt dicitur in Rubr. de Commemorat. 9. num. 6.

13 In secundis etiā Vesperis Octauæ S. Ioannis concurrentibus cum primis Vesperis Octauæ Innocentū, fit tantum commemoratio de Innocentibus, vt integræ Vespere sint de digniori, ex Rubr. de Concurrentiis Officiis 11. n. 2.

14 Erant haec tres Octauæ Semiduplices in Breuiario 1550. edito: Duplices à Pio V. qui addidit omnes Lectiones. Oratio S. Stephani est Ambrosiana.

De Epiphania Domini.

C A P. VII.

VIglia Epiphaniæ haber Officium Semiduplex, quod nuper expressum est in Breuiario, licet exclusio Precum ad Primam erat sufficiens indicium ritus Semiduplicis. Si occurrat in hac Vigilia Festum Duplex, fit de Vigilia commemoratio tantum, cum nona Lectione de Homilia Vigilia: quia Duplici Of-

ficio occurrenti eodem die cedit Semiduplex. De Duplici translatio non fit in ea, quia est Officium nouem Lectionum, cui etiam Dominica cedit. Si occurrat in ea Festum Semiduplex, transfertur hoc post Octauam Epiphaniæ, eadem de causa; & quia est longè superior quam Feria 6. post Octauam Ascensionis, quippe quæ habet Euangelium proprium, æquiparatur in multis Vigiliæ Nativitatis Domini, vt in Rubr. de Vigiliis num. 2. & 5. Quod si fuit concilium Hispanis à Gregorio XIII. posse in hac Vigilia fieri Officium de S. Thoma Cantuariensi, ob Festum translationis S. Iacobi, est singulare priuilegiū, non lex.

2 Antiphonæ, *Ante Inciserū genitus*, habetur apud Amalar. de Ord. Antiph. c. 23. Quarta Antiphona, *Maria, & flamina, &c.* non visa est aliquibus ad rem presentem: sed meminerint duorum miraculorum, in aquis Baptismi Christi, & in Cana ad nuptias, de quibus in Hymno, & in Antiphona ad *Magnificat*.

3 Matutinum incipitur ex abrupto ab Antiphona, & Psalmo; quia, visa stella, statim venerunt Magi, muto nuntio, non loquente, Duran. lib. 6. cap. 16. omittitur etiam Inuitatorium, ad detestandam fraudulentam Herodis in uitationem ad Christum adorandum, Alcuin, in *Epiph.* tum etiam, quia Psalmus *Venite* dicendus est in tertio Nocturno. Hymnus etiam non cantatur primo die, quia perfectorum est cantare Hymnos; conuersio vero Gentium in solis Magis perfecta non erat, Duran. *ibidem*.

4 Infra Octauam vero dicitur Inuitatorium nomine Magorum alios invitantium ad adorandum Christum, Dur. *ibidem*.

5 Psalmi apud Alcuinum haben-

P 2 tur,

tur, excepto, quod Psal. *Deus noster refugium, & virtus*, nunc cantatur in primo Nocturno secundum ordinem Psalterij, qui alias cantabatur in tertio. Vnde & hodie retinet Antiphonam cum *Alleluia*, qui est ritus tertij nocturni, ut diximus in Nativitate Domini *sup. cap. 5. n. 3.* & usque ad tempora Io. Beleth perseveravit, sed praepostore, ait Alcuinus, restitutus est igitur Nocturno primo secundum ritum Romanum, teste Durando loco citato. Item Psalmus *Venite*, qui, ex Gemma lib. 3. cap. 20. cantabatur in fine secundi Nocturni, nunc in principio tertij dicatur, docente Durando, & cum peculiari Antiphonae repetitione; ad indicandum, quod in tempore gratiae per tertium Nocturnum significato, inuitata est Ecclesia de Gentibus per Magos, & stellam: repetita ideo Antiphona saepius, *Venite adoremus*, ut confluant undique omnes. Cantatur autem hic Psalmus vel a duobus Cantoribus, vel melius a quatuor, duabus hinc inde alternatim cantantibus Versus eiusdem, & Choro semper Antiphonam repetente.

6 Infra Octauam pro Psalmo *Venite* alius substituitur, ne idem Psalmus bis dicatur, in Inuitatorio, & in tertio Nocturno. Psalmi desumuntur e Ferijs 2. 3. 4. 5. 6. sed plures e Feria sexta, fortasse quia in hac eadem Feria Magi adorauere Christum, ut innuimus Tomo 1. par. 4. tit. 3. num. 15.

7 Hymnus ad Laudes a Pio V. mutatus; erat enim antiquus, ab Hymno Natalis Domini desumptus, *Enixa puerpera Regem, &c.*

8 De Dominica infra Octauam Epiphanie, quando Epiphania occurrit in Dominica, fit in Sabbato praecedenti diem Octauam. Sed queritur,

cur in ipsam die Octauam, que occurrat in Dominica, non fit de Octaua Epiphanie cum commemoratione Dominicæ primæ post Epiphaniam? Fieret enim (ut in Duplicibus personum occurrentibus in Dominica) utrique satis. Conijcio ego hanc causam; scilicet, ne ordine peruersa vita Christi, que ab Ecclesia representatur in Officio diuino per totum annum, Christus legatur trigesimum annum agens, antequam representetur duodenni, ætatis, inquam, annorum duodecim: nam, si in die Octaua, que habet Euangelium de Baptismo Christi, fieret commemoratione de Dominicæ prima post Epiphaniam, que habet Euangelium de Christo duodenne inter Doctores Dei causam agente, tam in Officio quam in Missa legeretur prius Euangelium de die Octaua, quam de Dominicæ; quod esset inconveniens, & ordo peruersus. Fiat ergo Officium de Dominicæ in Sabbato, in qua Christus est duodenni; deinde sequenti die fiat de die Octaua, in qua est tricenarius; & ordo seruabitur historicus vita Christi: qui ritus habet in Breuiario M.S. anni 1300. Perutus Sacristiæ.

9 Adhuc queritur, & casus accidit. Patronus loci incidat in Sabbathum, in quo faciendum est Officium de predicta Dominicæ prima, An Officium Dominicæ anticipandum erit Feria sexta, quod aliqui scripsere. Ego respondi, non esse anticipandum; quia in Sabbatho sufficit fieri commemorationem de Dominicæ prima cum Homilia propria Lectione, argumento à simili, quod, quando Dominicæ 23. post Pentecosten non habet propriam sedem in Dominicæ, neque Feriam in tota præcedenti Hebdomada, in qua possit

poni Officium Dominicæ 23. eo casu,
in Officio nouem Lectionum in Sab-
bato fit commemoratione de Domini-
ca 23. cum nona Lectione, ut expreſſe
habet Rubrica de Dominicis num. 4. in
fine. ergo & eodem modo satis est, si
fiat hoc loco. In ſecundis autē Vefpe-
ris prædicti Patroni concurrentibus
cum die Octaua Epiphaniæ fit com-
memoratio tantum de die Octaua, vt
in Rub. de Concurr. Officy num. 2. Quæ
verò dicimus de Patrono, eadem dici-
to de Titulari Ecclesiæ, vel eiusdem
Dedicatione, ex Rubr. 11. num. 7.

10 Lectiones Epistolæ primæ ad Co-
rinthios, ex Decreto Gelafij, ponuntur
in Dominicæ ipſa prima post Epiphani-
am, non in Officio Dominicæ, ſi fiat
in Sabbatho; quia initia librorum Scri-
pturae, quoad eius fieri potest, magè cō-
gruent diei Dominicæ, quæ est initium
Hebdomadæ: & hoc in vſu fuſſe, vt à
die Natiuitatis legatur Apostolus, tra-
dit Ruper. lib. 4. de Diuin. Offic. cap. 6.

11 Dies Octaua Epiphaniæ de Ba-
ptismo Christi est, Amal. lib. 4. cap. 34.
& antiquum Officium de Baptismo
erat; nunc autem Euangeliū tantum
habetur. Semiduplex erat Officium
in Breuiario edito Venetijs anno 1521.
nunc est Duplex.

12 Quando Epiphaniæ Domini oc-
currit in Feria tertia, accidit in Sabbatho
ad Vefperas, quod pro commemora-
tione Epiphaniæ dicitur Antiphona,
Omnis de Saba venient: & in hoc caſu
mutatur Versus, ne eadem Antiphona
cum Versu ſit idem. Dicitur autem
Versus de Laudibus Epiphaniæ, *Ado-*
rate Deum, &c. ſi occurrit Feria 2. in
primis Vefperis diei Octauæ, pro
commemoratione Dominicæ dicitur
Antiphona, *Fili, &c. cum v. Omnes*
de Saba.

*De Dominicis post Octauam
Epiphaniæ.*

C A P. VIII.

Dominica post Epiphaniam
vſque ad Septuagesimā vel
ad summū sex, vel ad mini-
mum vna eſſe poſſunt; & ideo poſitum
eſt Officium ſex Dominicarum. Quod
propior eſt vel remotior Septuagesi-
ma, quæ à Paſchatis mobilitate pen-
det, eò plures vel pauciores ſunt Do-
minicæ in fra hoc tempus: quæ ſuper-
ſunt, transferuntur poſt 23. Domini-
cam poſt Pentecosten. qua de re nos
egimus ſuprà Secl. 3. cap. 5. pag. 25.

2 De Dominicæ ſecunda poſt Epi-
phaniam ſemper fit Officium ante Se-
ptuagesimam, faltem in Sabbatho præ-
cedente eamdem Septuagesimam; vel
in die prima poſt Octaua Epiphaniæ,
Microl. cap. 41. translato, ſi opus eſt,
Fefto Semiduplici, & hoc dupli ci de
cauſa; Primo, vt ordine historico ſe-
tuato de vita Christi, legatur, poſt eius-
dem Baptiſmum, priuum miracu-
lum in Cana Galilææ factum, ante-
quam quidquam aliud in ſequentibus
Dominicis de eo narretur. Secundo,
vt Officium & Responsoria Domini-
carum poſt Epiphaniam ſemel di-
cantur ſuo proprio tempore, nec omit-
tantur omnino. De quibus Respon-
ſorijs ē Psalmis meminit Amalar. de
Ord. Antiphon. cap. 27.

3 Dices: In prædicto caſu quod-
nam Semiduplex erit transferendum,
vt eo die fiat de Dominicæ ſecunda
poſt Epiphaniam? Respondeo, in Ec-
clesia vniuersali Festum S. Hilarij,
transferendum erit in diem 23. Ianua-
rij, quidquid alij notarint in Calen-
darijs, S. Hilario parcentes; quia ir-

R 3. Ru-